



大事記續編卷第五十二

金華王禕子充著



唐高宗皇帝永徽四年春二月甲申駙馬都尉房遺愛薛萬徹柴令武高陽巴陵公主謀反伏誅殺司徒荆王元景吳王恪宇文節太常卿江夏王道宗于嶺表廢恪母弟蜀

王愔為庶人

以新紀朱
熹綱目修

解題曰胡寅曰唐起晉陽裴劉之謀太宗承統房杜之策也是其富貴安榮當與有唐相終始而禍敗之及或在其身或在其子孫何也裴寂以孤貧為歎文靜在縲紲之中替唐公父子起事非有極亂救時之畧亦欲自免因圖富貴而

已房柱固非裴劉所敢班然太白經天之際密進籌畫使太宗手剪兄弟并殺其子此不但陳平之陰謀而已其宗嗣不延宜哉故四族既殞而唐之子孫亦幾滅於武氏善惡之積各以其類詎不信夫無忌因遺愛之獄濫及吳王遂良所宜救止也既不能然復以素不相協而在道宗其不能保終而來說口有以哉事見通鑑

己亥李勣為司空

以新舊紀脩

秋八月己亥隕石于馮翊有聲如雷

以舊紀脩

解題曰高宗問此何詳也朕欲悔往修來以自戒若何志寧對曰春秋隕石于宋五內史過曰是陰陽之事非吉凶所生物固有自然非一繫人事雖然陛下無灾而

戒不害為福也唐仲友曰唐人大抵不謹天戒故言災異多操適然之說志寧之論即姚崇之言也以姚崇之說告明皇猶不可而况以志寧之說告高宗乎志寧不諫武后之事已兆於此

九月壬戌北平定公張行成薨甲戌褚遂良為右僕射

以新舊紀脩

冬十月庚子帝幸温湯乙巳還宮

以新舊紀脩

十一月

癸丑兵部尚書崔敦禮為侍中丁巳柳奭為中書令

以新紀脩

十二月庚子褚憲公高季輔薨

以新舊紀脩

以太宗才人武氏為

昭儀

以新舊紀脩

唐高宗皇帝永徽五年春三月戊午帝幸萬年宮次鳳泉

湯以新舊紀修

解題曰鳳泉湯在鳳翔府郿縣

武昭儀欲追贈其父士獲庚申加贈武德功臣等以通夏

閏四月丁丑大雨漂溺麟游縣民及衛士三千餘人以舊

六月癸亥柳奭罷新紀丙寅河北大水新紀秋九月丁酉

帝還宮以通冬十月癸卯築京師外郭三十日罷以新舊

解題曰按唐六典宋敏求河南志京城東西十八里一

北十五里一百七十南三門中明德左啟夏右安化東

三門中春明北通化南延興西三門中金光北開遠南

延平皇城在京城之中東西五里一百一十五步南北

南三門中朱雀左安上右含元東二門北延喜南景風西

二門北安福南順義宮城在皇城之北北抵苑東西四

二里二百七十步南三門中承天東長樂西永安太極宮南六

門南承天承天門東長樂次東廣運北重明次東永春

承天門西永安大明宮在禁苑之東南接宮城之東北

隅南五門正南丹鳳東望仙次延政西建福次興安紫

宸殿東太和門西日營門北玄武門當皇城朱雀門有

南北大街萬年領街東五十四坊及東市長安領街西

五十四坊及西市

是歲大稔以通帝幸長孫無忌第官其二子議立武昭

儀為右无忌不可

以呂祖謙標目修

唐高宗皇帝永徽六年春正月壬申朔帝謁昭陵甲戌還

宮以通鑑修

庚寅立子二人為王以本紀修二月乙丑營州都督程

名振等伐高麗

以新紀修

夏五月癸未遣屯衛大將軍程知節

等為行軍大總管伐賀魯

以新舊紀修

壬辰韓瑗為侍中來濟

為中書令秋七月乙酉崔敦禮為中書令

以新紀修

中書舍人

李義府請廢皇后立武昭儀遷中書侍郎參知政事

以新紀修

八月初置負外同正負

以通鑑修

解題曰按通典以蔣孝璋為尚藥奉御負外特置仍同

正負自是負外官復有同正負者

同其正負者唯不給賚俸賜會與正

官同卑言負外者則祿俸減正負之半

九月戊辰以許敬宗為禮部尚書

以通鑑修

解題曰唐仲友曰太宗好兵之禍天道好還故以武后

斷喪唐室而敬宗義府為之羽翼殆有不可得而去者

豈人力哉

帝欲立武昭儀褚遂良韓瑗來濟等之李勣曰陛下家事

何必問外人庚午貶遂良為潭州都督冬十月己酉廢皇

后為庶人乙卯立武氏為皇后

以新紀及通鑑要曆修

解題曰語曰消消不止將成江河兩葉不去將用斧柯

遂良當武氏人為昭儀之時既不能引禮廷諍以絕其

萌及掖庭怙寵之際又不能陳義力諫以決其去至於
惡焰既成且將奪嫡然後言其託體先帝雖叩頭流血
無及矣事見通鑑按舊史紀新史傳高宗雖特置宸
勅曰此陛下家事何須問外人高宗之意遂定而武
氏之禍至於唐社稷豈非一言而喪邦乎及武氏
既篡承嗣三思求為太子而狄仁傑爭之甚力后曰
此朕家事卿勿預知是無異於世勳之言也仁傑則
曰王者以四海為家四海之內孰非臣妾何者不為
陛下家事君為元首臣為股肱義同一體况臣備位
宰相豈不與知此言既發庐陵王遜還而唐室復歸
於李氏豈非一言而興邦乎興
喪之言特在反覆手之間耳

是冬皇后殺王庶人新紀
唐高宗皇帝顯慶元年春正月辛未廢皇太子忠為梁

王立子代王弘為皇太子以呂祖謙
標目修壬申改元以新舊
紀修

解題曰宋庠紀年通譜立太子故改元孫甫曰人君即
位之年謂之元年漢文感方士之言始亂古制孝武因
事別立年號歷代因之唐武德貞觀雖為年號亦終其
身高宗不奉祖宗之法而改元何也

二月辛未贈武士護司徒周國公以呂祖謙
標目修三月戶部侍

郎杜正倫為黃門侍郎同三品以新舊
紀修夏六月辛亥以高

祖配圓立太宗配明堂以通
修秋七月癸未崔敦禮為太子

少師同三品八月丙申薨以新舊
通修辛丑程知節敗賀魯所

部于榆幕谷以新舊
修侍御史王義方劾李義甫貶為萊州司

戶以通鑑舉九月程知節敗賀魯于但篤城紀以新修

唐高宗皇帝顯慶二年春閏正月壬寅帝幸洛陽紀以新修

庚戌遣屯衛將軍蘇定方等為行軍總管伐賀魯紀以新修二

月封子顯為周王紀以新修三月癸丑褚遂良徙桂州都督以通

鑑李義甫兼中書令紀以新修夏五月丙申帝幸明德宮庚

子始隔日視事紀以新修秋七月丁亥朔帝還洛陽以通八

月許敬宗誣韓瑗來濟與褚遂良謀反并柳奭皆貶遠州

刺史以稽古錄修詔廢六天之祀合方丘神州為一祭綱目辛

未許敬宗為侍中九月庚寅兼度支尚書杜正倫兼中書

令以新舊紀修冬十一月戊戌帝如許州紀以新修十二月乙卯帝

還洛陽以通鑑修丁巳蘇定方敗賀魯于金牙山執之分西突

厥地為兩可汗以呂祖謙丁卯以洛陽為東都新紀

解題曰按新史地理志注皇城長千八百一十七步廣

千三百七十八步周四千九百三十步其崇三丈七尺

曰太微城宮城在皇城北長千六百二十步廣八百有

五步周四千九百二十一步其崇四丈八尺曰紫微城

武后號太初宮都城前直伊闕後據印山左瀍右澗洛

水貫其中東五千六百一十步南北五千四百七十步

西連苑北自東城而東二千五百四十步周二萬五千

五十步其崇丈有八尺武后號曰金城

禁僧尼受父母及尊者拜以通鑑吏部侍郎劉祥道以每年

入流過一千四百請年別入流者五百人不報以呂祖謙

解題曰按通典新史列傳祥道父林甫知選事既世職

乃釐補敝闕上疏一日今選司取士入流歲千四百多

也雜色入流未始銓汰濫也通典雜色解文三衛內外

品子在掌伎術直司書手兵部品子兵部散官勳經生

時務等比雜色人三分不居其一其雜色應入流入切

責有司試判為四等第一等付吏部第二等付兵部第

三等付主爵第四等付司勳則官不雜矣二曰內外官

一品至九品萬三千四百六十五員不過三十年畧盡

若年別入流者五百人入流歲千四百所足充所須之

數今入流歲千四百其倍兩之又停選常六七千人復

年別新加望請釐革補是日今河南開不上計員數比天寶一

分職一入流比天寶三分加一頃造格阻進士子二年

守官十年待選欲吏有善稱不可得也若比祥道所述

豈不十倍更弊乎三曰入流以三分論二分取明經進士一分

取雜色人四曰庠序五曰唐有天下未有舉秀才請加

搜訪六曰請四考進階八考聽選以減迎新送故之弊

七曰三省都事主事主書皆取流外有刀筆雖欲用七

流率以儔類為耻宜稍革之杜正倫亦言入流者衆詔

與祥道參議而執政憚改作又以勳戚子進取無他門

遂洛通典舊史傳疑玄同正命慎簡乃備王命其大

者而自擇小者漢諸侯得自置吏其傳相六官則漢為

歸吏部相襲迄今用利顧親疎而下筆看勢要而措情使

百行九能折之於一面具僚庶品專斷於新加官有常

矣今諸色入流歲以千計詳司列位無復新十不收一

貴人無定限選集之始霧縹雲屯握椒於終十課試既

外之屬不待州縣之舉直取書判忍非先德後言之義

也葉適曰後學但務陸贄而未知古同之

也葉適曰後學但務陸贄而未知古同之

唐高宗皇帝顯慶三年春正月戊子頒新禮以舊禮二月甲

戌帝還京師紀以新夏五月癸未徙安西都護府於龜茲以

舊安西府為西州都督府以舊紀

解題曰王容曰明年以庭州司馬崔智於西州分置州

縣龜茲國內置西夜屬陵虞泉崦嵫焉鳳鳥飛犂凡七

州九縣改龜茲為都護府王為都護都督境內一千五

百里

冬十一月乙酉貶李義府杜正倫為刺史戊戌許敬宗為

中書令大理卿辛茂將兼侍中紀以新是歲褚遂良卒呂祖謙

唐高宗皇帝顯慶四年夏四月于志寧為太子太師黃門

侍郎許圜師並同三品紀以新許敬宗誣長孫無忌謀反戊

辰流之黔州追削褚遂良官爵除柳奭韓瑗名罷于志寧

以通鑑修

解題曰胡寅曰人主之惑讒言由不知其人之為蔽耳
高宗於許敬宗非不知其人也如敬宗修實錄移威鳳
賦事明知其不足信况鞠獄之際於事外言所嫉之人
大罪詎可信乎無忌親則元舅位則三公忠亮許國一
姦人譖之不自臨問遂竄遐裔此非不知敬宗之誣謗
正快嬖者之意爾不唯昏塞之過實不孝不仁之甚也
事見通鑑

五月丙申兵部尚書任雅相度支尚書盧承慶參知政事
以新舊殺涼州刺史趙持滿以通鑑六月更修姓氏錄以通鑑
紀修錄秋七月殺長孫無忌柳奭韓瑗已死併褚遂良皆籍之

以通鑑

解題曰唐仲友曰甚矣家法之當正而天道之好還也
隱巢之事太宗適處其不幸高祖不早為之定分事勢
急迫而無忌決其謀太宗為之太過至承乾以逆泰以
窺望兩奔晉王以母弟次立太宗病其柔懦屬意吳王
竟以無忌諫止吳王初無覬心也無忌誣而殺之太宗
之子賢者死才者廢而高宗竟以昏懦政歸武氏唐宗
室連頸受戮者數千百人無忌始以舅甥立晉王而敬
宗之誣昏不省錄無忌族滅竟如吳王臨終之言悲夫
事見通鑑

八月壬子李義甫為吏部尚書同三品以新舊紀修冬閏十月

戊寅帝幸東都以新舊紀修十一月丙午許圜師為散騎常侍

檢校侍中以舊紀修戊午辛茂將卒以宰相表修賀魯部悉闕結侯

斤都曼反驍衛大將軍蘇定方伐之以新舊紀修盧承慶同三品

以新舊紀修是歲蘇定方擒都曼以新舊紀修

唐高宗皇帝顯慶五年春正月甲子帝幸并州以新舊紀修二

月甲午祠舊宅三月丙午皇后宴親族隣里於朝堂會命

婦於內殿以新舊紀修遣武衛大將軍蘇定方為行軍大總管率

三將軍及新羅兵伐百濟以新舊紀修

解題曰按通典新史東夷傳百濟即漢末夫餘王尉仇

台之後直京師東六千里而羸西界越州南倭北高麗

皆踰海乃至東新羅餘衆後漸寡弱土地盡沒於新羅

誅鞞百濟遂絕

夏四月癸巳帝還東都以通舊紀修五月造合璧宮以通舊紀修戊辰定

襄都督阿史德樞實等為行軍總管伐契丹以新舊紀修六月庚

午朔日有食之以新舊紀修秋七月乙巳廢梁王忠為庶人徙

黔州以通舊紀修戊辰盧承慶罷以通舊紀修八月庚午蘇定方等

平百濟擒其王以呂氏誌冬十月始命皇后決政事以呂氏誌

標目十一月甲寅帝如許州十二月辛未獵于安樂川已

卯如東都以新舊紀修壬午遣驍衛大將軍契苾何力等行軍三

大總管伐高麗以新紀修

唐高宗皇帝龍朔元年春二月乙未改元以新紀修

解題曰宋庠紀年通譜益綿等州皆言龍見故改元以

協瑞

三月百濟故王子豐撝故地以呂祖謙標目修夏四月庚辰遣任

雅相等行軍六總管率三十五軍伐高麗以新紀修甲午晦日

有食之以新紀修秋八月甲戌平壤道總管蘇定方敗高麗

兵於須江圍平壤城以呂祖謙標目修

解題曰實華音訓須江出樂浪郡平壤依須水立城今

高麗以為西京

冬十月帝畋于陸渾又畋于非山以通鑑修回紇犯邊遣武衛

大將軍鄭仁泰等行軍三大總管伐之以新紀修

解題曰回紇侵犯始於此事見通鑑

唐高宗皇帝龍朔二年春二月甲子改官名以呂祖謙標目修甲

戌任雅相卒于軍蘇定方等還以新紀修三月庚寅鄭仁泰等

敗鐵勒於天山以新紀修夏四月庚申帝還京師以新紀修辛巳

作蓬萊宮新紀

解題曰石定叟曰貞觀八年置永安宮九年曰大明宮

龍朔始大興葺曰蓬萊宮咸亨元年曰含元宮上元元

年復曰大明宮第一殿曰含元第二殿曰宣政紫宸又

在其後延英在紫宸殿之東在西內東北故曰東內

六月乙丑初令僧道致敬父母以呂祖謙秋七月威衛將

軍孫仁師為行軍總管伐百濟紀以新八月壬寅許敬宗為

太子少師同三品紀以新舊冬十月丁酉帝幸温湯丁未還

宮以通庚戌西臺侍郎上官儀同三品紀以新舊十一月辛

未許圉師罷以通癸酉封子為王紀以新十二月右衛將軍

蘇海政為行軍總管伐龜茲與西突厥繼往絕可汗殺興

昔亡可汗其眾歸吐蕃以通是歲西突厥寇庭州刺史

來濟死之綱以未熹

唐高宗皇帝龍朔三年春正月乙丑李義府為右相新紀

二月減百官俸一月賦雍同等十五州民錢作蓬萊宮新

紀徙燕然都護府於回紇更名瀚海徙故瀚海都護於雲

中更名雲中分主磧北南以呂祖謙

解題曰程大昌曰唐太宗降滅北虜不止一國皆列郡

縣遙羈縻之小則為州大則為都督府皆用其舊長其

或款塞內附亦度邊障而居之貞觀二十一年置燕然

都護府凡州與都督皆統之龍朔三年兩都護府夾磧

而立磧北隸瀚海領頡利車鼻回紇之眾磧南隸雲中

領來降之在塞內者瀚海直豐勝二州間總章改為安

北大都護府雲中麟德改為單于大都護府是後改易

尚多史紀其效曰自立府二十年北方無戎馬警事見
通鑑

夏四月流李義甫于雋州新紀丙午帝移御蓬萊宮更命

故宮曰西內以呂祖謙標目修五月吐蕃擊破吐谷渾遣涼州都

督鄭仁泰為行軍大總管救之以新紀修

解題曰吐谷渾自晉永嘉有國至吐蕃取其地凡三百

五十年及此封嗣絕矣事見通鑑

秋八月癸卯彗星出于左攝提以新紀修罷三十六州所造船

遣大使按察十道以新紀修九月孫仁師敗百濟平之以呂祖謙

標目修冬十二月庚子改來年元以新舊紀

唐高宗皇帝麟德元年春正月甲子改雲中都護府為單

于大都護府以呂祖謙標目修

解題曰宋庠紀年通譜前歲麟再見故改元

二月戊子帝如萬年宮秋七月詔以三年正月封禪八月

壬午還宮以新舊紀通鑑修丁亥司列太常伯劉祥道兼右相大

司憲實德玄為司元太常伯兼檢校左相新紀皇后專恣

帝與上官儀議廢之事洩冬十二月丙戌歸罪於儀而殺

之戊子殺庶人忠罷劉祥道自是上每視事則后垂簾於

後大權悉歸中官矣以新紀舉要曆修太子右中護樂彥璠西臺

侍即孫處約同知軍國政事以新紀及表修

唐高宗皇帝麟德二年春二月壬午帝幸東都以舊紀修三月甲寅司戎太常伯姜恪同東西臺三品以新紀修辛未東都乾元殿成舊紀

解題曰河南志乾元門內正殿隋之乾陽殿麟德造乾元殿長壽三年改造明堂開元五年改乾元殿十年為

明堂

閏三月癸酉日有食之以新紀修夏四月戊辰左侍極陸敦信

檢校右相孫奭約樂考瑞罷新紀五月辛卯頒麟德曆以舊紀修

冬十月壬戌帶方州刺史劉仁軌為大司憲兼知政事

新紀丁卯帝如泰山以新紀修大有年新紀

唐高宗皇帝乾封元年春正月戊辰朔封泰山庚午禪社首皇后亞獻壬申改元

解題曰宋庠紀年通譜乾字讀作乾坤之乾封以封禪

為義孫甫曰太宗以功德平治天下賢才在位法度施

張刑罰幾措歲時屢穰四夷帖服尚以封禪盛德之事

慮已所為未當天心高宗在位雖賴先帝遺德生民安

業奈姦人亂政忠賢竄戮太子廢殺中官垂簾有何功

德可以告成蓋徇后之欲舉希闕儀物夸耀天下耳登

封之後歲飢民困日食彗見豈非功德之薄妄告於天

勞費民力干動和氣所致歟姦人預慮天時不順先引

漢乾封故事建為年號以歲旱為乾封則民之飢困災
變頻仍果天祐哉事見通鑑

賜文武官階勳爵以新紀通鑑修

解題曰十月之交曰皇甫卿士番維司徒家伯維宰仲
允膳夫聚子內史蹶維趣馬檮維師氏艷妻嬭方處幽
王之時小人之所以滿朝而官爵所以多濫者由艷妻
之方處也文武之朝有任姒以居內則官爵曷至是哉
貞觀之初內治有長孫皇后雖以無忌之賢而皇后尚
請不使久居寵位則朝廷之名器宜其無汎加者矣永
徽之際內有武后而義甫敬宗之徒聚於朝廷之上則

官有汎階而末年服緋者滿朝以敗太宗之典刑亦其
宜也事見通鑑

李義甫卒以呂相謙標目修

辛卯帝幸曲阜祠孔子贈太師二月

已未至亳州祠老子追躡太上玄元皇帝夏四月甲辰至

京師以新紀修庚戌陸敦信罷新紀五月庚寅鑄乾封泉寶錢

一當十以通鑑修高麗泉蓋蘇文死子男生男是相攻六月壬

寅詔武衛大將軍契苾何力將兵援男生以舊紀修秋七月庚

午劉仁軌兼右相以新紀修八月辛丑實德玄冕以通鑑修丁未皇

后殺其從兄刺史武惟良武懷運以新紀修冬十二月己酉遣

李勣為行臺大總管率六總管兵伐高麗以新紀修

唐高宗皇帝乾封二年春正月帝耕籍田以通鑑修罷乾封泉

寶錢以通鑑修二月辛丑萬年宮復名九成宮以舊紀修禁工商乘

馬新紀皇極經世三月戊寅廢生羗十二州以呂祖謙標目修夏六月乙

卯西臺侍郎楊弘武戴至德東臺侍郎李安期司列少常

伯趙仁本同東西臺三品東臺舍人張文瓘參知政事以新紀修

秋八月己丑朔日有食之舊紀辛亥季安期罷新紀九

月李勣拔高麗十七城以宋嘉綱目修

唐高宗皇帝總章元年春正月壬子劉仁軌為遼東道副

大總管以舊紀修二月戊寅帝幸九成宮以通鑑修三月庚寅改元

以通鑑修

解題曰宋庠紀年通譜頌明堂之制故改元

夏四月丙辰彗星出于五車以新紀修辛巳楊弘武薨以新舊紀通鑑

修秋八月癸酉帝還宮以通鑑修九月癸巳李勣拔平壤城執

其王高麗平冬十月獻于太廟十二月州府其地置安東

都護府統之

解題曰高麗自隋唐以來國數被兵煬帝太宗至於親

臨遼東皆無功而歸而高宗卒克之賈言忠對高宗謂

先帝所以不得志者虜未有釁也諺曰軍無媒中道回

今男生兄弟鬩狼為我鄉導虜之情偽我盡知之將忠

士力是行不再舉矣其說固然然高麗地止四郡唐自

貞觀以來七伐其國何以支梧縱其國無內讞亦終於
亡况男生與其王皆舉國內附乎此所以能收前人未

集之功也

按通典新史列傳高麗出於夫解先祖朱蒙
弃夫餘至統升骨城品焉號句麗以高為氏

漢滅朝鮮以高句麗為縣屬玄菟即建國復其王張地
東跨海距新羅南跨海距百濟西北渡遼水與營州接
北韓轉去京師五千里而贏其後餘衆
不能自保散投新羅韓與高氏遂絕

丁卯祀南郊

以呂祖謙
標目修

甲戌姜恪檢校左相司平太常伯

開立本守右相

以新修
紀修

是歲旱

以通
鑑修

唐高宗皇帝總章二年春二月辛酉張文瓘及右肅機李

敬玄為東西臺侍郎同三品同三品始入街以新修
通鑑三月

丙戌東臺侍郎郝處俊同三品以新修
紀修丁亥詔定明堂制度

以通
鑑修夏四月己酉帝幸九成宮

以通
鑑修

徙高麗民於江淮山

南京西

以通
鑑修

六月戊申朔日有食之

以新修
紀修

秋八月甲戌

改瀚海都護府為安北都護府

以呂祖謙
標目修

解題曰長壽元年陳子昂為喬補闕論突厥臣比在同

城接居延海西逼近漢南去月勅於同城權置安北都

護府以招納亡叛扼匈奴之喉其地東西及北皆是大

磧磧並石鹵水草不生突厥所入道莫過同城今居延

澤接張掖河中間堪營田處數百頃水草畜牧足供具

萬人又甘州諸屯犬牙相接所蓄粟麥積數十萬田園

水利種無不收居延海多有漁鹽強兵用武之國也

冬十月帝還宮

以通鑑修

十二月戊申英貞武公李勣薨

以通鑑修

司列少常伯裴行儉設銓注長名姓歷榜

以通鑑修

解題曰手揣輕重則無事乎權衡自量多寡則無事乎斗斛然手揣目量之人不可以多得也故權衡斗斛不可一日廢行儉名姓榜亦銓法之斗斛權衡耳此唐家銓選之法遂可為後世之永制歟事見通鑑

唐高宗皇帝咸亨元年春正月丁丑劉仁軌致仕

以宋熹綱目修

三月甲戌朔改元

以新舊紀修

丁丑改蓬萊宮為含元宮

以呂祖謙

標日壬辰許敬宗致仕

以呂祖謙

夏四月癸卯吐蕃陷龜

茲撥換城廢安西四鎮辛亥遣威衛大將軍薛仁貴為行

軍大總管伐之

以新紀修

解題曰龜茲治白山之南去瓜州三千里貞觀二十二年

閏十二月朔阿史那社甫執龜茲王以歸始徙安西

都護於其都統于闐碎葉疏勒焉耆四鎮于闐在葱嶺北

二百里貞觀二十二年閏十二月內附焉耆去瓜州二

千里貞觀十八年郭孝恪滅之疎勒在白山之南去瓜

州四千六百里貞觀九年內附

蘇冕記咸亨元年罷四鎮是龜茲于闐焉耆

勒長壽復四鎮是龜茲于闐疎勒碎葉四鎮不同蓋焉耆有碎葉城置四鎮之初固曰統碎葉不曰統焉耆也

開元以後十姓可汗請居碎葉城安西安西西出拓厥

節度使湯嘉惠始表以焉耆備四鎮關四百二十里至撥換城一曰威戎城又七百六十里

至碎葉城城北有碎葉水自碎葉西南渡渾河八百四十里至踈勒鎮自撥換南而東九百三十里至下闐鎮自焉耆西六百三十里至安西都護府

帝幸九成宮以通鑑修高麗酋長叛遣監門衛大將軍高品等

為行軍總管伐之新紀六月壬寅朔日有食之以新舊紀修秋

七月薛仁貴大敗於大非川以新舊紀修

解題曰十道圖大非川在青海南新史地理志鄯州鄯城縣西南石堡城經

尉遲川苦拔海王孝傑米柳莫离釋公主佛堂大非川

八月帝還宮以通鑑修閏九月壬子贈武士驍為太原王以呂祖謙

標目甲寅姜恪為行軍大總管伐吐蕃以新舊紀修冬十月乙未

趙仁本罷新紀十二月庚寅官名復舊以新舊紀修是歲大饑

唐高宗皇帝咸亨二年春正月甲子帝幸東都以新舊紀修冬

十一月甲午朔日有食之舊紀是歲姜恪為侍中閣立木

為中書令新紀

唐高宗皇帝咸亨三年春二月庚午徙吐谷渾於靈州其

地入吐蕃以呂祖謙標目修已卯姜恪薨新紀秋八月許敬宗卒

以呂祖謙標目修冬十一月戊子朔日有食之以新舊紀修甲辰帝還京

以通鑑修十二月劉仁軌為太子左庶子同三品以新舊紀修

唐高宗皇帝咸亨四年春三月丙戌詔劉仁軌等改修國史

以朱嘉綱目修夏四月帝幸九成宮通鑑冬十月壬午閻立本薨通鑑

乙巳帝還宮以通鑑修

唐高宗皇帝上元元年春正月遣劉仁軌為行軍大總管

伐新羅以新舊紀修三月辛亥朔日有食之以新舊紀修秋八月壬

辰帝稱天后皇后稱天后追尊六代五代祖妣為帝后增高

祖太宗及后謚改元以新紀呂祖謙標目修

解題曰孫甫曰謚所以尊名也古之天子諸侯卿大夫

善名雖多惟取一大善為稱不使名浮於實也歷代帝

王諸彌雖不能盡如古制然必以祔廟之始一二字為

定高祖太宗廟號久定而增其名豈禮乎哉二后彌聖

神尤乖其實武后欲自尊大妄稱天后高宗遂稱天皇

因追尊祖宗以掩其迹此高宗之過也亦由大臣有司

不守經義逢君之惡所致爾事見通鑑宋庠紀年通譜

追崇祖帝后自稱天皇天后故改元

九月癸丑復長孫無忌官爵以舊紀修冬十一月丙午朔帝幸

東都以新舊紀通鑑修十二月蔣王暉被誣自殺以通鑑修壬寅天后

上便宜十二條其一請加母服以呂祖謙標目修

唐高宗皇帝上元二年春二月劉仁軌敗新羅兵于七重

城以新紀修三月帝欲使天后攝政郝處俊諫乃止以通鑑修夏四

月巳亥天后殺皇太子弘五月戊申追謚為孝敬皇帝

解題曰按新舊史列傳義陽宣城二公主以母得罪幽

于掖庭吳縝唐書糾繆曰新書云二公主以母故幽掖庭四十不嫁按高宗以貞觀二年生而太子弘

以上元二年薨高宗方四十八歲爾何緣有四十歲之女當日史臣欲甚武氏之惡不顧事過其實也今按通鑑改為三十一餘要亦非太子見之驚惻遂奏請令出降

是惟舊史為得其實武后怒即以當上衛士配之由是失愛又請以同州沙

苑地分假貧民又詔詣東都納右衛將軍裴居道女為

妃帝嘗語侍臣弘仁孝宿禮大臣未嘗有過而后將騁

志弘奏請數涕旨從幸合璧宮遇醜薨餘見通鑑胡寅

曰太子弘幼有美質嘗愛春秋至商臣事廢書歎曰經

籍聖人垂訓而至此何耶郭瑜對曰春秋義存褒貶故

商臣千載而惡名不滅弘曰非惟口不可道亦耳不忍

聞願受他經瑜請讀禮從之弘方志學而心志如此豈

非賢乎其死也非有他過特以奏請涕音嗚呼為又臣

子而不知春秋之義者必陷誅死之罪弘之謂矣太子

之職問安侍膳此外非所預也君父懦弱昏母后專忍尤

當遵養時晦絕疑忌之萌而輕用其智不自韜默此春

秋所禁也使瑜知此教弘以為太子之道豈至於一言

違忤而見醜哉范祖禹曰皇帝者有天下之跡非所以

為贈也父沒而后子立今父在而追尊其子豈禮也哉蓋武后謀篡國醜太子而加之尊名以掩其迹李泌之

言信矣

六月戊寅立子雍王賢為皇太子以新紀及柳秋八月張

文瓘為侍中郝處俊為中書令劉仁軌戴至德為左右僕

射以新紀冬十月壬午彗星出于角亢以新紀

唐高宗皇帝儀鳳元年春二月甲戌移安東都護府於遼

東舊紀三月癸卯黃門侍郎來恒中書侍郎薛元超同三

品以舊紀閏三月己巳吐蕃入寇乙酉以洛州牧周王顯為

行軍元帥領左衛大將軍劉審禮等并州大都督相王輪

為行軍元帥領契苾何力等伐之二王竟不行以新紀夏

四月戊申帝還京師以新舊紀甲寅中書侍郎李義琰同三

品以新紀六月癸亥黃門侍郎高智周同三品以新紀秋七月

丁亥彗星出于東井以新紀九月以大理丞狄仁傑為侍御

史以呂祖謙標日修冬十月帝還京師以通鑑丁酉禘享太廟以通鑑

十一月壬申改元以新紀

解題曰宋庠紀年通譜鳳皇見故改元

庚寅李敬玄為中書令新紀十二月戊午來恒薛元超為

河南北道大使以新紀

唐高宗皇帝儀鳳二年夏四月左庶子張大安同三品以新紀

以新紀秋八月辛亥劉仁軌為洮河軍鎮守使新紀冬十月壬

辰徙封王顯為英王更名據新紀

唐高宗皇帝儀鳳三年春正月辛酉百官朝天后于光順門以台祖謙標目修

解題曰新史傳昭儀為皇后命群臣及四夷酋長朝后肅義門內外命婦入謁朝皇后自此始茲踵前事而為之也事見通鑑寶華音訓光順門崇宸殿之西南門

丙子李敬玄代劉仁軌為行軍大總管以通鑑修解題曰方仁軌之自百濟召還也計其非便與劉仁願議請留仁願難之仁軌曰人臣苟利於國知無不為豈恤其私乃表陳便宜其拳拳體國如此及出鎮洮河忿為李敬玄所抑知其非將帥才而故薦以代已遂覆其

師視前日幾若二人之為蓋仁軌雖有失言而未必知學問一時慷慨自許固能輸其忠力及有所忿憤則不得其正矣此所以見天資之不足恃也事見通鑑

五月帝幸九成宮秋九月還宮以通鑑修癸亥張文瓘薨以新紀修丙寅李敬玄及左衛大將軍劉審禮敗于青海審禮死之

以通鑑修解題曰新史列傳吐谷渾居甘松山之陽洮水之西有青海周八九百里

冬十一月壬子來恒薨以舊紀修唐高宗皇帝調露元年春正月帝幸東都以新舊紀修庚戌道

恭公戴至德薨以通鑑修夏四月辛酉郝處俊為侍中以新舊紀修

五月戊戌作紫桂宮新紀

解題曰按新史地理志注河南府澠池西有紫桂宮

六月辛亥改元以新舊紀修

解題曰宋庠紀年通譜甘露降故改元事見柳芳唐曆

遣吏部侍郎裴行儉伐西突厥秋九月執其可汗都支以新舊紀修

冬十月突厥温傳奉職二部反敗單于大都護府以新舊紀修

史蕭嗣業以新紀呂祖謙標目修十一月戊寅高智周罷新紀甲辰

禮部尚書裴行儉為行軍大總管伐突厥以新舊紀修

唐高宗皇帝永隆元年春三月裴行儉大破突厥於黑山

擒奉職以呂祖謙標目修

解題曰竇革音訓黑山在雲州西北六百里武經總要

州北二十里沈括筆談在大幕北今謂之姚家族有水出其下所謂黑水也

夏四月戊辰黃門侍郎裴炎崔知温中書侍郎王德真同

三品以新舊紀修秋七月己卯吐蕃寇河源辛巳李敬玄大敗

于湟川武衛將軍黑齒常之擊却之以為河源軍經略大

使時吐蕃盡據羊同諸羗之地方萬餘里以呂祖謙標目修

解題曰按新舊史本紀儀鳳三年正月李敬玄為洮河

道行軍大總管以伐吐蕃九月李敬玄劉審禮及吐蕃

戰于青海敗績審禮被俘永隆元年七月吐蕃寇河源

李敬玄及吐蕃戰于湟川敗績貶敬玄為衛州刺史前
戰青海後戰湟川自是再戰新史吐蕃傳敬玄率劉審禮
擊吐蕃青海上審禮戰沒敬玄頓承風嶺礙險不得縱
吐蕃壓王師屯將軍黑齒常之率死士五百夜奔其營
虜驚自相輔藉而死者甚衆乃引去敬玄僅脫雖不及
後一戰然李敬玄傳則云拜洮河道大總管兼檢校鄯
州都督統兵十八萬與吐蕃將論欽陵戰青海使劉審
禮為先鋒虜壓敬玄按軍自如審禮戰沒尚首鼠不進
乃頓承風嶺虜壓其營偏將黑齒常之率死士夜擊賊
敬玄始得至鄯州又戰湟川遂大敗黑齒常之傳則云

儀鳳三年從李敬玄劉審禮擊吐蕃審禮敗敬玄欲引
還阻泥溝兵不得出常之夜率敢死士五百人掩其營
殺掠數百人賊酋跋地設棄軍走帝歎其才擢左武衛
將軍進為河源軍副使調露中吐蕃使贊婆等入寇屯
良非川李敬玄之敗常之引精騎三千夜襲其軍斬首
二千級獲羊馬數萬贊婆等單騎去即拜河源道經略
大使事跡前後自是分明但多李敬玄之敗五字是衍
文所以通鑑考異疑其止是一戰也新史地理志注元
城縣儀鳳二年分湟水縣置有河源軍會要在湟川東
西木趙克國亭候新史吐蕃傳大羊同國古所謂崑崙
也東距長
安五千里

八月丁巳李敬玄貶刺史以新舊甲子廢皇太子賢為庶

人乙丑立英王哲為皇太子改元以舊

解題曰廣平王使李泌獻捷與帝從容語曰陛下嘗聞

黃臺瓜乎高宗八子天后所生者四人自為行而睿宗

最幼長曰弘為太子后方圖臨朝鳩殺之而立次子賢

賢日憂傷每待上不敢有言乃作樂章使工歌之欲感

悟上及后曰種瓜黃臺下瓜熟子離離一摘使瓜好再

摘令瓜稀三摘尚云可四摘抱蔓歸而賢終為后并死

餘見通鑑立皇太子故改元宋庠紀年通譜永隆本梁

師都年號

巳巳張大安貶刺史以新九月甲申王德真罷新紀

月壬申朔日有食之以新

唐高宗皇帝開耀元年春正月乙亥突厥入寇癸巳遣裴

行儉為行軍大總管伐之以通三月辛卯郝處俊罷新紀

夏五月巳丑黑齒常之敗吐蕃于良非川以新秋七月甲

午劉仁軌罷左僕射新紀閏七月丁未裴炎為侍中崔知

溫薛元超守中書令以新裴行儉大破突厥擒其可汗及

溫傳以呂祖謙九月丙申彗星出于天市以新乙丑改

元新紀冬十月丙寅朔日有食之舊十一月癸卯徙庶

人賢于巴州新紀

唐高宗皇帝永淳元年春二月作萬泉宮以通鑑修

解題曰新史地理志注萬泉宮在京兆府藍田縣

癸未改元以新舊紀修西突厥反以新紀修三月戊午立孫重照為

皇太孫以新舊紀修夏四月甲子朔日有食之以通鑑修丙寅關中饑

帝幸東都以新舊紀修以裴行儉為行軍大總管率二總管伐西

突厥未行聞喜憲公行儉卒安西副都護王方翼大敗西

突厥于熱海遂平之以舊紀修

解題曰自安西出柘厥關九百五十里至碎卜水又五

十里至熱海

丁亥黃門侍郎郭時舉兵部侍郎岑長倩祕書員外少監

郭正一吏部侍郎魏玄同與中書門下同承受進止平章

事自是外司四品已下知政事者始以平章事為名以新舊紀修

修六月蝗人相食以新舊紀修秋七月己亥作奉天宮監察御

史裏行李善感諫不納以新舊紀修

解題曰新史地理志注奉天宮在河南府登封縣

冬十月丙寅黃門侍郎劉景先同平章政事以新舊紀修

唐高宗皇帝弘道元年春正月帝幸奉天宮二月突厥入

寇以新舊紀修二月庚子李義琰致仕以通鑑修

解題曰范祖禹曰高宗責義琰為宰相而陵其母家不

可以率天下斯言當矣然已以讒殺元舅而不自知其

惡何以責臣下之薄於母黨乎由此觀之自古人主能知其過鮮矣事見通鑑

丙午彗星出于五車紀以新舊癸丑崔知温薨紀以新舊夏四月

帝幸東都紀以新舊壬申郭時舉郭正一同平章政事紀以新舊

秋七月甲辰封相王輪為豫王更名日紀以新舊薛元超罷紀以新舊

八月乙丑皇太子朝于東都紀以新舊冬十月帝幸奉天宮紀以新舊

紀以新舊十一月戊戌右武衛將軍程務挺為安撫大使以伐突

厥紀以新舊丁未帝如東都紀以新舊十二月丁巳改元帝崩于貞

觀殿裴炎受遺詔廢萬泉芳桂奉天等宮甲子皇太子招

即皇帝位尊天后為皇太后政事咸取決焉以呂祖謙甲

戊劉仁軌為左僕射裴炎為中書令劉景先為侍中同三

品戊寅郭時舉魏玄同岑長倩同三品癸未郭正一罷以新

紀以新

大事記續編卷第五十三

金華王禕子充著

唐則天順聖皇后武氏光宅元年春正月甲申朔改元嗣

聖以新舊立太子妃常氏為皇后以呂祖謙二月戊午皇

太后廢帝為廬陵王己未立豫王旦為皇帝居別殿妃劉

氏為皇后永平郡王成器為皇太子改元文明皇太后仍

臨朝稱制庚申廢皇太孫重照為庶人以通鑑及呂祖謙

解題曰胡寅曰中宗之廢世往往歸咎武氏而不知事

起裴炎也炎但知韋玄貞與政必分己權不若倚后為重而

不知為唐遠慮殺韋命屠戮之禍其罪又不止廢君而已武

氏包藏禍心自高宗中世其迹益彰炎苟不能識是不
智也識其意起而勸成廢立此其情為如何他日劉景
先胡元範輩以炎為不反者吾不信也事見通鑑宋庠
紀年通譜文明本梁簡文帝年踰

劉仁軌留守西京

以呂祖謙

丁丑中書侍郎劉禕之同三

品

以新舊三月殺庶人賢

以通鑑甲子皇帝率群臣上尊踰

于武成殿丁卯冊皇帝

新紀

夏四月癸酉遷廬陵王于房

州又遷之于均州

以呂祖謙

閏五月甲子禮部尚書武承

嗣為太常卿同三品

以新紀秋七月彗星出于西方

月庚寅葬天皇皇帝于乾陵廟號高宗

以通鑑

解題曰歐陽修曰小雅曰赫赫宗周褒姒滅之是時幽
王雖亡而太子立而詩人乃言滅之者以為文武之業
於是蕩盡東周雖在不復能興矣其曰滅者甚疾之之
辭也武氏之亂唐之宗室戕殺殆盡其賢士大夫不免
者十八九以太宗之治其遺德餘烈在人者未遠而幾
於遂絕其為惡豈一褒姒之比耶以太宗之明昧於知
子廢立之際不能自決卒用昏童高宗溺愛衽席不戒
履霜之漸而毒流天下貽禍邦家嗚呼父子夫婦之間
可謂難哉可不慎哉

丙午武彗嗣麗

九月甲寅改元及服色官名以東都

為神都新紀

解題曰此革命之漸也事見通鑑

已已追尊武氏五世考妣裴炎諫不聽以本紀通鑑修

解題曰按新舊史列傳武承嗣請立七廟及追王父祖

炎諫曰太后天下母以盛德臨朝當存至公不容追王

祖考示自私且獨不見呂氏之敗乎太后曰呂氏之王

權屬生人今追崇先世存沒殊迹安得同哉炎曰蔓草

難圖漸不可長太后不悅而止據此則止是追崇五世

若立七廟之事猶以炎之言而止至天授元年方立七

廟于神都通鑑乃云太后不從則是併追崇五世亦不

從也餘見通鑑

丁丑郴州司馬李敬業起兵于揚州冬十月甲申遣王鈴

衛大將軍李孝逸為揚州大總管拒之裴炎請皇太后返

政坐下獄以呂祖謙標目修

解題曰按新史列傳豫王雖為帝未嘗省天下事炎謀

乘太后出游龍門以兵執之還政天子會久雨太后不

出而止餘見通鑑

壬辰敬業克潤州丙申殺裴炎侍中同三品劉齊賢貶刺

史十一月敬業兵敗于下阿走死以呂祖謙標目修

解題曰下阿谿在今高郵軍西北又謂平阿渡

十二月癸卯殺單于道安撫大

王務挺以新紀通鑑修

解題曰按新史列傳太后方怫怒一日召群臣廷讓曰朕於天下無負若等知之乎群臣唯唯太后曰朕輔先帝喻二十年憂勞天下爵位富貴朕所與也天下安佚朕所養也先帝弃群臣以社稷為託朕不敢愛身而知愛人今為戎首者皆將相何見負之遽且受遺老臣伉扈難制有若裴炎乎世將種能合亡命若徐敬業乎宿將善戰若程務挺乎彼皆人豪不利於朕朕能戮之公等才有過彼蚤為之不然謹以事朕無詒天下笑群臣頓首不敢仰視曰惟陛下命此正武氏箝制天下之術

也通鑑謂其輕淺存而不取餘見通鑑

唐則天順聖皇后武氏垂拱元年春正月丁未朔廬陵王

出居干均州

以唐鑑修改元以新舊

解題曰唐史臣沈既濟曰中宗以始年登大位季年復大業雖等名中奪而天命未改足以首事表年昔魯昭公之出春秋書其居曰公在乾侯君雖失位不敢廢也今請併太后紀合中宗紀每於歲首必書中宗所居曰某年春正月皇帝在某太后某事改某制則紀稱中宗而事述太后名不失正禮不違常矣按此蓋朱熹所祖以為綱目者也然呂祖謙大事記之作無所褒貶若用

既濟之法而黜武氏是用褒貶也故每歲正月惟書廬
陵王皇太子居於某而表年則因史之舊文昔孔子作
春秋而亂臣賊子懼其於弑君篡國之主皆不黜絕之
豈以其盜而有之者莫大之罪不沒其實所以著其大
惡而不隱歟自司馬遷班固皆作高后紀呂氏雖莽篡
漢然盜執其國政遂不敢沒其實豈其得春秋之意歟
唐之舊史因之列武后于本紀蓋其所從來遠矣宋庠
紀年通譜徐敬業平故改元新舊史傳春官尚書李思
文詭言周書有垂拱天下治為受命之符后喜皆班示
天下稍圖革命

二月乙巳春官尚書武承嗣同三品以新脩突厥寇邊新紀

三月丙辰遷廬陵王于房州以未熹綱目脩辛酉武承嗣罷新紀辛

未頒垂拱格新紀制官民皆得自舉以未熹綱目脩秋七月己酉文昌左丞

魏玄同為鸞臺侍郎同三品以通鑑脩冬十一月癸卯天官尚書同

三品韋待價為行軍大總管擊突厥以新紀脩時開告密之門

擢胡人索元禮為游擊將軍於是周興來俊臣之徒繼起以通鑑脩

解題曰按新史列傳徐敬業兵興武后患之見大臣常

切蔭欲因大獄去異已元禮揣旨即上書言急變召對

擢游擊將軍則此事當在垂拱之初通鑑因作銅匭牽

聯書之若太緩今載于此

唐則天順聖皇后武氏垂拱二年春正月廬陵王出居于房州以

修二月辛未朔日有食之以新舊右衛大將軍李孝逸左遷刺史

以通三月戊申作銅匭紀新冬十月己巳有山出于新豐縣紀新

唐則天順聖皇后武氏垂拱三年春正月廬陵王出居于房

州以唐閏正月丁卯封皇帝子四人為王以舊夏五月庚午殺劉禕之紀

解題曰胡寅曰禕之受知武后位為宰相苟有所見面陳之可

也况返政大議乎而與人言之是不知害成之戒也雖然不輕

鳳閣鸞臺何名為勅此則宰相之言也命令之出治亂安

危繫焉雖小事不可不謹况殺宰相乎是時與政者六七人

無敢執議豈數使然耶抑人不能配三才而幹之也事見通鑑

秋七月丁卯冀州雌鷄化為雄新紀八月壬子魏玄同燕

檢校納言以新舊九月乙卯魏州人楊初成矯制迎廬陵

王于房州不果見殺以新冬十二月壬辰韋待價為

行軍大總管擊吐蕃罷監軍御史以新

解題曰胡寅曰武后不置監軍可為法矣自明皇肅代

德憲皆不免此蔽賢良勸諫終莫肯回用是見后智術

之高控勒四海奇才碩德皆不能出其籠絡豈偶然哉

事見通鑑

是歲大饑以新

唐則天順聖皇后武氏垂拱四年春正月廬陵王出居于房

州以唐鑑修甲子增七廟立高祖太宗高宗廟于神都新紀立崇

先廟祀武氏緡以昧修唐午毀乾元殿為明堂以新紀夏

四月戊戌殺太子通事舍人郝象賢新紀武承嗣獻瑞石

命曰寶圖五月乙亥加尊號聖母神皇以新舊紀修

解題曰甚矣武氏之似王莽也事見通鑑

六月丁亥朔日有食之新紀秋八月丙午博州刺史琅邪

郡王冲起兵遣金吾衛大將軍丘神勣拒之戊申冲死之

庚戌豫州刺史越王貞起兵九月遣鳳閣侍郎同平章事

張光輔統諸軍拒之貞死之殺韓王元嘉魯王靈夔范陽

郡王諳黃國公譔東莞郡公融及常樂公主以新紀傳冬及通鑑修

十一月辛酉殺濟州刺史薛顓及其弟十二月乙酉殺霍

王元軌江都郡王緒及殿中監裴承光大殺唐宗室幼者

流嶺南以新紀修乙亥殺左臺大夫同平章事竊味道以新紀修乙

酉拜洛受圖新紀辛亥改明堂為萬象神宮僧薛懷義以

功拜威衛大將軍梁國公以新紀通鑑修

唐則天順聖皇后武氏永昌元年春正月廬陵王出居于

房州以唐鑑修乙卯享于萬象神宮改元以新紀修

解題曰宋庠紀年通譜瑞石文云聖后臨人永昌帝業

故改元

已未朗州雌鷄化為雄新紀二月尊考曰周忠孝太皇妣

曰周忠孝太后紀以新修三月癸酉天官尚書武承嗣為納言

以新修夏四月甲辰殺江南郡王煒鄱陽公誣等宗室十二

人以新紀通鑑修已酉殺天官侍郎鄧玄挺新紀五月己巳以薛

懷義為行軍大總管伐突厥以新紀通鑑修秋七月丁巳流紀王

慎于巴州新紀韋待價兵敗于寅識迦河流繡州以新紀通鑑修

解題曰按新紀垂拱三年十二月書待價為安息道行

軍大總管擊吐蕃舊紀於今年五月始書之通鑑考異

曰實錄垂拱三年十二月壬辰命待價擊吐蕃至永昌

元年五月又云命待價擊吐蕃本傳不云兩曾將兵遂

載於永昌元年今攷舊紀及傳皆云待價坐遲留不進

若待價以五月出師七月而敗謂之倉卒則可謂之遲

留則不可蓋待價實以三年出師至是以其遲留命其

准擊舊史誤於此年始書之爾

八月甲申殺內史張光輔及洛州司馬弓嗣業乙未松州

雌鷄化為雄辛丑殺陝州刺史郭正一九月庚戌殺恒山

郡王承乾之子厥以新紀通鑑修壬子以薛懷義為行軍大總管伐

突厥以新紀通鑑修閏九月甲午殺魏玄同夏官侍郎崔譽冬十月

以午殺武威衛大將軍黑齒常之鷹即衛將軍趙懷節已

未殺嗣鄭王璿等六人以新紀通鑑修

唐則天順聖皇后武氏天授元年春正月庚辰朔廬陵王

出居于房州以唐修改元載初以十一月為正月十二月為

臘月正月為一月以新紀通鑑修

解題曰將改國號故用周正與王莽之改商正同宋庠紀年通譜親享明堂以建子為月故改元

改詔曰制通鑑乙未除唐宗室屬籍新紀臘月殺劉齊賢

新紀一月戊子左肅政大夫同三品王本立罷尋殺之以新紀

紀武承嗣同三品鳳閣侍郎武攸寧為納言以新舊甲午

流地官尚書同三品韋方質于儋州尋殺之以通鑑修二月辛酉

策貢士於庭以呂祖謙標目修

解題曰廷試貢士自此始胡寅曰漢策賢良非試之也

延于大廷訪以理道其事重矣若貢士既試于南宮而

又試之殿廡是以南宮為不足信也故富弼請罷殿試

其說甚當然未能焉則亦悅其名而未察其實尔况其

事始於武后尤不可以不革也按新史選舉志唐取士

之科多因隋舊然其大要有三由學館者曰生徒由州

縣者曰鄉貢皆升于有司而進退之其科之目有秀才

明經俊士進士明法明字明筭一史三史開元禮道舉

童子而明經之別有五經三經二經學究一經三禮三

傳史科此歲舉之常選也其天子自詔者曰制舉所以

待非常之才焉禮部負外郎沈既濟曰武太后參決大政與天子並太后頗涉文史永隆中始

以文章選士太右君臨天下二十餘年公卿百辟無不以文章達因循遺父履以成風百餘年間五尺童子無不言文墨是以進士為士林華選忠賢焉考咸出於是而桀姦無良者或有焉

五月戊子殺春官尚書同平章事范履冰以新紀修己亥殺梁

郡公李孝逸以新紀修七月壬午殺豫章郡王亶以侯思止為

游擊將軍以通鑑修丁亥殺澤王上金許王素節尋又殺素節

諸子以新紀修八月甲寅殺納言裴居道癸亥殺尚書右丞張

行廉以新紀修辛未殺南安郡王頴鄜國公昭及宗室十二人

以新紀修殺庶人賢二子以通鑑修九月壬午改國號曰周改元

解題曰宋庠紀年通譜天授本劉獲年號

乙酉加尊號曰聖神皇帝以皇帝為皇嗣賜姓武氏皇太

子為皇孫丙戌立武氏七廟于神都並稱帝后封伯父及

兄弟之子為王堂兄為郡王以新紀修

解題曰新舊史列傳承嗣元奭之子三思元慶之子兄

弟之子也攸寧攸歸攸望士讓之孫懿宗嗣宗仁範士

逸之孫攸暨士稜之孫堂姪也攸宜攸緒惟良之子載

德仁範之子延基延秀承嗣之子崇訓崇烈三思之子

延暉延祚承業之子姪之子也又攸止重規皆從子也

無所謂堂兄為郡王者舊紀書堂姪十二人為郡王新

紀書堂兄當作堂兄弟之子為是

十月檢校內史宗秦客貶遵化尉以新紀修辛未內史邢文偉

貶刺史紀以新改唐太廟為享德廟武氏七廟為太廟新紀
以前秋官郎中徐有功為侍御史以通鑑修

唐則天順聖皇后武氏天授二年正月廬陵王出居于房

州以唐鑑修甲戌改置社稷旗幟尚赤新紀戊寅殺雅州刺史

劉行實弟姪等四人紀以新戊子武承嗣為文昌左相新紀

乙未殺丘神勣紀以新庚子殺納官史務滋紀以新二月右丞

周興流嶺南死索元禮後亦坐死以通鑑修四月壬寅朔日有

食之紀以新七月庚午徙關內數十萬戶實神都紀以新舊八

月戊申武攸寧罷紀以新九月壬辰殺馮臺侍郎同平章事

傅游藝紀以新癸巳羽林衛大將軍武攸寧守納言洛州司

馬狄仁傑為地官侍郎同平章事紀以新十月殺右相同三

品岑長倩司禮卿兼納言歐陽通地官尚書同平章事格

輔元鸞臺侍郎同平章事樂思晦紀以新

解題曰張九成曰岑長倩以則天革命請改皇嗣姓武

則天悅之及張嘉福請立武承嗣為皇太子長倩不從

以謂皇嗣已立東宮不可更立以此獲誅人皆以長倩

為不忠於唐宜獲此報張唐英獨言其所以存皇嗣者

固欲存唐室也其不欲立承嗣者恐皇嗣不得立也其

意與陳平順呂后之意同人之不察乃真以為不忠誤

矣事見通鑑

唐則天順聖皇后武氏長壽元年正月廬陵王出居于房

州以唐一月引見存撫使所舉人悉加擢用始有試官以

祖謙標築神都外城以通庚午貶鳳閣侍郎同平章事任

知古及狄仁傑為縣令流冬官侍郎同平章事裴行本于

嶺南紀新四月丙申朔日有食之改元如意以新

解題曰宋元紀年通譜如意本釋書語

八月戊寅武承嗣武攸寧罷夏官侍郎李昭德為鳳閣侍

郎同平章事紀新舊

解題曰奪人位者必忌人之奪其位盜人權者必惡人

之盜其權理固然也武后猜阻執悍奪唐神器而有之

其心豈能一日自安也哉鯁鯁然惟恐人以己之所以

施於唐者而施於己承嗣輩雖其親姪要不過羈縻而

已非有恩交義結之情也昭德惟深探其情故能以片

言去之而代其位殆如范睢之於穰侯也胡寅曰其為

武氏計不思昭德前後所陳如姪不祔姑之說姪姑何

如母子之說議論正大是果為武氏計耶為李氏計耶

史稱其區區一情抑武興唐必有能卜之者矣事見通

鑑

九月庚子改元紀新舊以并州為北都新紀癸丑流冬官

尚書同鳳閣鸞臺李游道秋官尚書素智弘夏官

尚書同鳳閣鸞臺平章事王濬司賓卿同平章事崔神基

文昌右丞同平章事李元素于嶺南以新紀通鑑修十月丙戌武

威道行軍總管王孝傑大敗吐蕃復四鎮以新舊紀修流監察

御史嚴善思於驩州尋復召之以通鑑修右補闕朱敬則侍御

史周矩上疏制獄稍衰以呂祖謙標目修

唐則天順聖皇后武氏長壽二年正月廬陵王出居于房

州以唐鑑修戊申文昌左丞同平章事姚璿請令宰相撰時政

記月送史館以通鑑修臘月癸亥殺皇嗣妃劉氏德妃竇氏以新

紀丁卯降皇孫五人為郡王以通鑑修一月庚子夏官侍郎婁

師德同平章事以新舊紀修二月乙亥侍御史侯思止有罪伏

誅以通鑑修殺諸道流人以通鑑修九月丁亥朔日有食之以通鑑修乙

未加尊號金輪聖神皇帝以新舊紀修

唐則天順聖皇后武氏延載元年正月廬陵王出居于房

州以唐鑑修突厥可汗骨篤祿卒弟默啜立臘月甲戌寇靈州

以呂祖謙標目修一月甲午婁師德為河源等軍營田大使以新舊紀修

二月巳卯王孝傑敗吐蕃于冷泉及大嶺以新舊紀修三月以薛

懷義為行軍大總管率十八將軍擊突厥鳳閣侍郎同平

章事蘇味道檢校內史李昭德為司馬長史以通鑑修四月王

孝傑同三品以新舊紀修五月甲午加尊號改元以新舊紀修七月癸未

山人武什方為正諫大夫同平章事八月罷以新舊紀修流寓臺

侍郎同平章事崔元綜于振州紀以新九月壬午朔日有食
之新紀殿中丞來俊臣坐貶以通壬寅貶檢校內史李昭
德為南賓尉以呂祖謙

唐則天順聖皇后武氏天冊萬歲元年

解題曰宋庠紀年通譜南郊受天冊金輪聖神之彌司
餽局人於水際得石函有玉冊云神皇萬忠輔聖安長
安故改元天冊萬歲與孫皓天冊同義

正月廬陵王出居于房州以唐辛巳加尊號改元證聖以

紀丙申萬象神宮火新紀二月巳酉朔日有食之本紀壬
子薛懷義伏誅紀以新四月建大周萬國頌德天樞新紀七

月辛酉以王孝傑為行軍大總管伐吐蕃以新九月甲寅

祀南郊改號天冊金輪大聖皇帝改元紀以新以崇先廟為

崇尊廟新紀十月突厥請降以通

唐則天順聖皇后武氏萬歲通天元年正月廬陵王出居

于房州以唐臘月甲申封神獄改元萬歲登封丁亥禪少

室癸巳復于神都紀以新一月甲寅婁師德為行軍副總管

擊吐蕃紀以新巳巳改崇尊廟為太廟新紀三月壬寅王孝

傑婁師德改于素羅汗山紀以新

解題曰見漢永平十六年解題

丁巳復作明堂曰通天宮改元紀以新四月免王孝傑為庶

人貶婁師德為司馬以通鑑新紀修五月壬子契丹首領李盡忠孫

萬榮反陷營州乙丑遣鷹揚衛將軍曹仁師等擊之七月

辛亥以春官尚書武三思為安撫大使以備之八月丁酉

仁師等敗于黃陂谷九月庚子以同州刺史武攸宜為行

軍大總管擊之以新紀通鑑修突厥默啜求婚以呂祖謙標目修十月辛

卯李盡忠死孫萬榮領其眾陷冀州以呂祖謙標目修以彭澤令

狄仁傑為冀州刺史以夏官郎中姚崇為侍郎以呂祖謙標目修

唐則天順聖皇后武氏神功元年正月廬陵王出居于房

州以唐修族誅鳳閣侍郎同平章事李元素夏官侍郎同平

章事孫元亨等三十六家以新紀通鑑修甲子婁師德守鳳閣侍

郎同平章事以新紀修三月庚子王孝傑及孫萬榮戰于東碇

石谷兵敗死之以呂祖謙標目修

解題曰新史地理志平州有西碇石東碇石

立突厥默啜可汗以朱熹綱目修四月鑄九鼎以舊紀修癸未金吾衛

大將軍武懿宗為行軍大總管五月癸卯婁師德為行軍

副大總管擊契丹以新舊紀修六月丁卯司僕少卿來俊臣伏

誅亦殺監察御史李昭德以新紀修

解題曰王莽以符命而篡漢既已得志遂禁符命之說

以掩前日之迹武后以刑誅而篡唐既已改物則以刑

誅為周興等之過而掩前日之非事見通鑑

突厥襲契丹孫萬榮兵潰死以通鑑修戊子特進武承嗣春官

尚書武三思同三品以新紀修辛卯婁師德安撫河北新紀七

月武承嗣三思罷以新紀修九月壬寅改元以新舊紀修

解題曰宋庠紀年通譜平契丹故改元

庚戌婁師德守納言新紀閏十月甲寅檢校司刑卿幽州

都督狄仁傑為鸞臺侍郎同平章事以新舊紀修置負外官數

千人以通鑑修

大事記續編卷第五十三

大事記續編卷五十四

金華王禕子京著

唐則天順聖皇后武氏聖曆元年正月甲子朔廬陵王出

居于房州改元以通鑑修

解題曰宋庠紀年通譜將復召廬陵王故改元

三月己巳召廬陵王于房州戊子廬陵王至自房州以新紀修

解題曰按新舊史列傳后欲以武三思為太子以問宰

相衆莫敢對狄仁傑曰臣觀天人未厭唐德今欲繼統

非廬陵王莫可后怒罷議久之召謂曰朕數夢雙陸不

勝何也於是仁傑與王方慶俱在二人同辭對曰雙陸

不勝無子也天其意者以倣陛下乎

洪邁曰新史載舊史不載通鑑但書

鵬鵠折翼一事而考異云雙陸之說世傳字邕所作秋

忠卿門曰武后問石象公王方慶曰朕夜夢雙陸不勝

何也蓋謂宮中無子意者恐有神靈傲夫注下后召廬

陵王復其儲位俾石象公為王宮相輔翊之新史蓋

兼采二李之說而莫卜其為王狄也通鑑去之 文皇

帝身蹈鋒鏑勤勞而有天下傳之子孫先帝寢疾詔陛

下當國陛下掩神器而取之十有餘年又欲以三思為

後且姑姪與母子孰親陛下立廬陵王則千秋萬歲後

常享宗廟三思立廟不祔姑內史王及善密替其謀后

舊史本文作則天後倣此亦漸悟右肅政臺中丞吉頊素與張易之

兄弟親善俱為控鶴監內供奉易之兄弟以寵盛思自

全問頊計安出頊曰公家以倣進非有大功於天下勢

必危吾有不可策願効之非止保身且世世不絕脂易

之流涕請頊曰天下思唐久矣廬陵在外相王鈞閉上

春秋高須有付託武氏諸王殊非屬意公盍從容請肆

立廬陵及相王以副人望易弔為賀之資也易之曰宗

然其言遂乘間奏請后知頊預謀召見問狀頊曰廬陵

相王皆陛下子先帝顧託於陛下當有主意后意乃定

遣徐彥伯迎廬陵王於房州王至后匿王帳中召見仁

傑時吉更記語廬陵事仁傑敷請切至涕下不能止后

乃使王出口還爾太子仁傑降階泣賀已奏曰太子歸

未有知者人言紛紛何所信也然之更令太子全龍門
具禮迎還中外大悅餘見通鑑初王慶之等請立武承
嗣為太子宰相岑長倩格輔元陳其不可竟以坐死顛
李昭德發明未聞姪為姑立廟之論又進姑姪何如父
子之說右始畧為之感動然有私謁皇嗣而斬者告皇
嗣有異圖者誣皇嗣廬陵與南北牙同及若猶踵見此
承嗣三思所以營求愈切也仁傑每從容言文皇天下
當傳之子孫取昭德姑姪立廟之意兼舉而力陳之右
方且對以家事不當預知及吉頊為二張謀承間屢言
右意乃定頊之精忠雖未必如仁傑然當機之發不費

辭而事濟固不可以人廢言也舊史亦稱中宗在房陵
吉頊李昭德皆有匡復讜言固未有非之者而猶或譏
其假善以濟私盍亦深攷其故也

四月辛丑婁師德為隴右諸軍大使紀以新脩八月突厥寇邊

豹韜衛將軍闕知微降之紀以新脩戊戌太子太保武承嗣卒

以通鑑脩庚子春官尚書武三思檢校內文狄仁傑兼納言以新

紀以新脩遣司馬卿武重規等為大總管四道擊突厥紀以新脩九月

甲子夏官尚書武攸寧同三品紀以新脩壬申廬陵王立為皇

太子復名顯甲戌為河北道行軍元帥擊突厥狄仁傑副

之時突厥據地萬里西北諸夷皆附之紀以新脩十月命河內

王武懿宗九江王武攸歸領都下屯兵以通鑑脩癸卯狄仁傑為河北安撫大使以新紀脩夏官侍郎姚崇同平章事以新紀脩夷

閩知微三族以通鑑脩

唐則天順聖皇后武氏聖曆二年正月皇太子在東宮以

自脩壬戌以皇嗣為相王以新紀脩甲子司衛卿張易之為控

鶴監銀青光祿大夫張昌宗為控鶴監內供奉以通鑑脩臘月

戊子左肅政臺中丞吉頊為天官侍郎右肅政臺御史中

丞魏元忠為鳳閣侍郎並同平章事以新紀脩辛亥賜皇太

子姓武氏以新紀脩二月庚申武攸寧寵以新紀脩三月婁師德為納

言以新紀脩四月吐蕃論贊婆降以通鑑脩壬辰魏元忠為天兵軍

大總管婁師德副之以備突厥以新紀脩八月婁師德薨以

目脩標 戊申武三思為內史以新紀脩

唐則天順聖皇后武氏久視元年正月皇太子在東宮以

目脩細 戊午貶吉頊為琰州尉以新紀脩壬申武三思罷以新紀脩臘月丁

酉狄仁傑為內史以新紀脩一月作三陽宮以新紀脩五月己酉朔日有

食之以新紀脩癸丑改元罷天冊金輪太聖號以新紀脩

解題曰宋庠紀年通譜疾平改元故取老子久視長生

之語

六月改控鶴為奉宸府以張以通鑑脩閏七月丁酉

吐蕃寇涼州隴右諸軍大使唐以通鑑脩閏七月丁酉

庚申魏元忠為隴右諸軍大總管擊巴蕃以新紀脩九月辛丑

梁文惠公狄仁傑薨所薦荊州長史張柬之監察御史桓

彥範秦州刺史敬暉等數十人以呂祖謙標目脩

解題曰范仲淹曰商有三仁弗救其滅漢有四皓正於

未奪嗚呼武暴如火李寒如灰何心不隨何力可回我

公哀傷拯天之亡逆長風而孤騫遡大川以獨航金可

革公不可革孰為乎剛地可動公不可動孰為乎方一

朝感通群陰披攘天子既臣而皇天下既周而唐七世

發靈萬年垂光噫非天下之至誠其孰能當餘見通鑑

十月甲寅復唐正月以新紀脩

解題曰皇太子既在東宮所以用唐正月也

唐則天順聖皇后武氏長安元年春正月皇太子在東宮

以朱熹綱目脩丁丑改元大足以新紀脩

解題曰宋庠紀年通譜成州有大人之跡故改元大足

五月魏元忠為靈武道大總管以備突厥以新紀脩九月壬申

殺皇太子子邵王重潤等以新紀脩丙申以相王旦知左右羽

林衛大將軍事以呂祖謙標目脩十月壬寅如西京辛酉改元新

脩以新紀脩丙寅魏元忠同三品以新紀脩十一月壬申武三思罷以新紀脩戊寅

改含元宮為大明宮以呂祖謙標目脩以主客郎中郭元振為涼

州都督以舊紀通鑑脩

唐則天順聖皇后武氏長安二年春正月皇太子在東宮

綱以朱熹目脩乙酉設武舉綱朱熹目突厥入寇紀以舊脩九月乙丑朔日

有食之不盡如鉤紀以勅脩十月姚元崇同平章事紀新

十一月命監察御史蘇頲按覆來俊臣等所推獄雪免者

甚眾綱以呂祖謙目脩十二月戊申置北庭都護府於庭州綱以通脩

唐則天順聖皇后武氏長安三年春正月皇太子在東宮

綱以朱熹目脩三月壬戌朔日有食之紀以新脩七月壬寅正諫大夫

朱敬則同平章事紀以新脩九月庚寅朔日有食之既

解題曰胡寅曰呂后末年日食既右惡之曰此為我也

未幾而卒武后至是日食再既明年亦卒日者至陽之

主精人君之表今乃為女主之應乎夫陽不競而陰慝作

理固然也今武氏及陰為陽居中履極掩唐虞之舊域

頌正朔於八荒其氣蔽所感上致日星之變不亦宜乎

丁酉貶魏元忠為高要尉紀以新舊脩十月丙寅如神都紀以新脩

是歲西突厥為突騎施所併綱以呂祖謙目脩

唐則天順聖皇后武氏長安四年春正月皇太子在東宮

綱以朱熹目脩丁未毀三陽宮作興泰宮綱以通鑑脩二月壬申朱敬

則罷紀以新脩三月出鳳閣侍郎常嗣立等二十人為刺史綱以

綱以朱熹目脩六月辛酉姚崇罷紀以新脩乙丑天官侍郎崔玄暉為

鸞臺侍郎同平章事壬午相王府長史姚崇兼夏官尚書

同三品紀以新脩十月辛酉姚崇為靈武道安撫大使崇舉秋

官侍郎張柬之甲戌崇之同平章事以通鑑脩

解題曰鼂補之曰按狄仁傑傳則天嘗問仁傑朕要一

好漢仁使仁傑曰豈非文士齷齪思得奇才用之以成

天下之務乎則天曰此朕心也仁傑曰荊州長史張柬

之仁傑曰前言張柬之未用也則天曰已遷矣仁傑曰臣

薦宰相今為司馬非用之也又遷為秋官侍郎竟召為

相果與復中宗而東之傳乃專言姚崇薦之以其時攷

之仁傑初薦在荊州時再薦乃為秋官侍郎逮崇之薦

時已在秋官矣或者則天聞仁傑之言已深知柬之因

崇繼薦遂至大用非崇一言便為相也又傳曰仁傑所

拔用至公卿者數十人崇自是仁傑薦用則天信重二

人固自有間舊史未深致爾餘見通鑑葉通曰柬之作

二張送正其處仁傑地位必不如是遲緩也

御史中丞宋璟請下張昌宗獄不從以通鑑目錄脩

大事記續編卷第五十四

大事記續編卷第五十四

大事記續編卷第五十四

大事記續編卷第五十四

大事記續編卷第五十四

大事記續編卷第五十四

大事記續編卷第五十四

大事記續編卷第五十五

唐中宗皇帝神龍元年

金華王禕子亮著

解題曰宋庠紀年通譜古者人君即位歲中不改元所以申孝道踰年必改元所以正君統二者國體之本以禮為界雖聖哲愚亂皆勉企及中宗遭罹廢黜中興唐祚既踰年而不改武周之朔非無法之甚歟

春正月壬午朔皇太子在東宮

綱以朱熹改元癸卯麟臺監

張易之春官侍郎張昌宗謀作亂張柬之崔玄暉及羽林衛將軍敬暉桓彥範司刑少卿袁恕已等率羽林兵入禁

中誅之併其兄司禮少卿同休等洛州長史薛李相請誅
武三思不從甲辰皇太子監國袁恕已為鳳閣侍郎同平
章事丙午皇太子復位相王旦為安國相王太尉丁未遷
武氏于上陽宮戊申上尊號曰則天大聖皇帝庚戌張柬
之袁恕已同三品崔玄暉守內史敬暉為納言桓彥範守
納言餘官賞有差二月甲寅復國號唐郊廟百官服色皆
如故以神都為東都北都為并州以新舊紀
解題曰按新舊唐書紀傳柳芳唐曆實錄則天不豫張
易之昌宗恐後為皇太子所誅入閣侍疾潛圖逆亂張
柬之與桓彥範敬暉等建策將誅之柬之謂右羽林大

將軍李多祚曰將軍居北門幾何曰三十年曰將軍貴
寵當代非大帝恩乎多祚泣數行下曰死且不忘柬之
曰今在東宮乃大帝子而嬖豎擅朝危逼宗社國家廢
興在將軍將軍誠有意乎曰苟利國家惟相公處分不
敢顧身及妻子因指天地以自誓遂定謀初柬之代揚
元琰共乘艦江中私語外家革命元琰悲涕慷慨志在
王室柬之執政引為右羽林將軍謂曰江上之言君詎
忘之今可以勉又以彥範敬暉李湛並為左右羽林將
軍委以禁兵易之等疑懼靈武大總管姚崇自屯所還
遂參計議以武收宜為羽林大將軍易之乃安時太子

於北門起居彥範暉因得謁見密陳大計太子從之癸
卯玄暉東之彥範暉湛左威衛將軍薛思行等率左右
羽林兵及千騎千騎後為萬騎又為龍武軍五百餘人討易之昌宗
令湛多祚太子典膳部王同皎就東宮迎太子至玄武
門指麾將士太子拒不許同皎曰逆豎反道顯肆不軌
諸將與南衙執事刻期誅之須臾下到以係衆望太子
曰上方不豫得無不可乎同皎曰將相毀家族以安社
稷奈何欲內之鼎鑊乎太子自出諭之衆乃止太子猶
豫同皎即扶上馬從至玄武門殿中監田歸道押千騎
宿衛玄武門暉等遣使就索千騎拒不與斬關入斬易

之等無下湛率所部兵直至太后所寢長生殿環繞侍
衛因奏臣等奉令誅逆臣易之昌宗恐漏大謀不獲預
奏頓首請歸死后曰我於而父子不薄亦豫是耶右見
中宗曰少汝耶豎子誅可可宮彥範進曰太子今不可
以歸往大皇棄群臣以愛之託陛下今久居東宮群臣
思天皇之德不血刃清內此此天意人事歸李氏惟陛
下傳位禹世不絕后乃臥復言又令金吾將軍收易
之兄汴州刺史昌期司禮卿同休從父弟通事舍人

景雄悉誅之並梟首天此南士庶見者莫不相賀或
鬻割其肉一夕都盡袁恕已從相王統南衙兵南衙者諸衛兵

也時彥範等將北軍以備非常甲辰皇太子監國大赦

天下恕已為鳳閣侍郎平章事乙巳傳位皇太子丙午

即皇帝位赦天下惟易之黨與不在原限為周興來俊

臣所枉陷者咸令雪免内外文武官加兩階三品已上

加爵二等入五品等侍減三考相王拜太尉同鳳閣鸞

臺三品公主加鎮國太平公主丁未太后徙上陽宮

兩京記在皇城西南臨洛水西距穀水新史志在禁苑之東東接皇城之西南隅上元中置高宗之季常居

政以聽戊申帝率百官上尊號曰則天大聖皇帝庚戌東

之為夏書同鳳閣鸞臺三品玄暉為内史恕已同

鳳閣鸞臺三品敬暉桓彥範為納言李多祚封遼陽郡

王同皎為右千牛將軍琅邪郡公李湛為羽林大將軍

趙國公餘封各有差餘見通鑑孫甫曰舊史書武后傳

位於中宗盖史官諱其事也然彥範傳書武三思以武

后為彥範等所廢常深憤怨是廢之為實唐之天下高

祖太宗之天下也高宗以子託后后奪其位僭竊大號

毒流内外踰二十年不道至此若終身無禍何以垂戒

於後况實廢之安可諱也若以彥範等奉子而廢母於

事不順是不達其理春秋莊公元年夫人孫于齊以悖

亂之事去其氏而貶之春秋之法可見矣用春秋之法

為唐貶絕罪人則可以垂戒於後矣

貶鳳閣侍郎同平章事韋承慶為高要尉流正諫大夫同

平章事房融於高州以新紀通鑑脩姚宗罷紀脩甲子復皇后常

氏贈其父玄貞上洛王以呂祖謙標目脩大赦新紀復宗室死于

周者官爵紀新丙寅太子賓客武三思為司空同三品以新紀脩

貶譙王重福為濮州刺史尋徙之均州以通鑑脩丁卯散騎常

待武攸暨為司徒以新舊紀脩

解題曰按新舊史列傳二張之誅也張東之勒兵景運

門長安志在東內京輔黃圖西內太極宮宮城南面東

將遂夷諸武洛州長史薛季昶勸曰二凶雖誅產祿猶

在請除之會日暮事遽彥範不欲廣殺因曰三思机上

肉爾留為天子藉手季昶嘆曰吾無死所矣朝色尉劉

幽求謂桓彥範敬暉曰三思尚存公輩終無葬地若不

早圖噬臍無及不從按舊史薛季昶敬暉傳唐統紀唐

不欲誅三思通鑑因之韓琬御史臺記云張東之敬暉

于景運門將收諸武誅之彥範不從新史蓋本此葉

乃云東之等初不欲除三思是始未深考也事見通鑑

辛未安國相王旦罷紀新丁丑武三思武攸暨罷紀新立子二

人為王以本紀脩三月甲申詔昭洗文明後破家者以新紀脩夏四

月辛亥桓彥範為侍中袁恕已為中書令以新紀脩以方士鄭

普思為秘書監尚衣奉御葉靜能為國子祭酒以通鑑脩丁卯

魏元忠為衛尉卿同平章事以通鑑脩辛未敬暉為侍中甲戌

成魏元忠崔玄暉檢校益府長史常安石並為吏部尚書涼
州都督唐休璟為輔國大將軍同三品乙亥張柬之為中
書令以新紀通鑑脩五月壬午遷武氏神主于崇恩廟乙酉立太
廟社稷于東郊紀新甲午敬暉等五人罷為郡王尋出崔玄
暉為梁州刺史以呂祖謙標目脩降河內王武懿宗等十二人爵
為公以通鑑脩甲辰特進豆盧欽望唐休璟為左右僕射六月
癸亥欽望共平章軍國重事是後專拜僕射者不復為宰
相以新紀通鑑脩常安石為中書令魏元忠為侍中紀新秋七月辛
巳太子賓客常巨源同三品以新紀通鑑脩出張柬之為襄州刺史
以通鑑脩追冊妃趙氏為皇后紀新九月癸巳常巨源罷紀新冬十

月帝幸龍門獵於新安紀新辛未魏元忠為中書令以新紀通鑑脩
十一月戊寅上帝后尊號以呂祖謙標目脩己丑帝幸洛城南門觀
潑寒胡戲紀以新修壬寅則天大聖皇后崩廢崇恩廟以新紀通鑑脩
唐中宗皇帝神龍二年春正月戊寅吏部尚書李嶠同三
品以新紀通鑑脩閏正月丙午制公主開府以呂祖謙標目脩出敬暉桓彥
範素恕已為諸州刺史以新紀通鑑脩三月乙未禮部尚書韋巨源
為刑部尚書同三品以新紀通鑑脩丙申遣十道巡察使新紀
解題曰按會要通典貞觀十八年遣十七道巡察二十
年遣二十一人以六條巡察四方垂拱二年諸道巡察
使科目四十四件神龍置一道二人再替而代景雲改

按察使道各一人門元十年省十七年復置二十二年
改置採訪處置使

三月甲辰韋安石罷戶部尚書蘇瓌守侍中戊申唐休璟

罷紀以新修庚戌殺光祿卿駙馬都尉王同皎等紀以新修

解題曰按新舊史列傳武三思烝濁王室同皎惡之與
張仲之祖延慶周璟李俊冉祖雍謀須武后靈駕發伏
弩射殺三思會播州司兵參軍宋之孫以外妹妻延慶
延慶辭之孫固請乃成昏延慶不復疑故之孫子自雲得
其實之孫兄之間嘗舍仲之家亦得其謀令曇密語三
思遣俊上急變直言同皎殺擁兵關下廢皇后帝殊不

曉大怒斬同皎於都亭驛餘見通鑑

大置員外官

必以呂祖謙
標目脩

夏四月殺處士常月將黃門侍郎

宋璟爭之尋出為具州刺史

以通鑑
脩

解題曰范祖禹曰自古殺諫臣未有不亡國者中宗愚
闇足以取亡而高祖太宗德澤未遠人心天命未厭唐
也故禍及其身而已矣事見通鑑

五月庚申合葬則天大聖皇后於乾陵

以新紀
通鑑脩

六月戊寅

貶敬暉桓彥範袁恕己崔玄暉張柬之為遠州司馬

以新紀
脩

秋七月戊申立衛王重俊為皇太子

以新紀
標目脩

丙寅魏

元忠為右僕射兼中書令李嶠守中書令

以新紀
脩

流敬暉桓

彥範袁恕己崔玄暉張柬之于遠州武三思尋殺之以呂祖謙

標目冬十月癸巳蘇瓌為侍中新紀戊戌帝至自東都祖謙

標目十一月戊午流鄭普思于儋州紀十二月己卯突

厥入寇靈武大總管沙吒忠義敗于鳴沙以新紀

解題曰按元和郡縣志神龍二年鳴沙為默啜所寇遂

移縣於慶豐安城即今縣治西枕黃河人馬經此沙隨

有聲故號州新史地理志咸亨以靈州故為沙州地置咸

非沙山

丙申魏元忠為左僕射紀時帝女安樂公主用事以

祖謙標

解題曰按新史列傳公主私請廢太子求為皇太女帝

以問左僕射魏元忠元忠曰公主而為皇太女駙馬都

尉當何名主恚曰山東木彊安知禮阿母子尚為天子

天子有不可乎元忠固稱不可自是語塞餘見通鑑

唐中宗皇帝景龍元年春二月丙戌復武氏朝陵置帝氏

廟陵以通鑑夏四月辛巳以公主妻吐蕃以呂祖謙六月丁

卯朔日有食之新紀秋七月辛丑皇太子重俊與羽林大將

軍李多祚等誅武三思及其子崇訓兵潰重俊等見殺祖謙

解題曰按新舊史列傳元忠嫉三思專權用事思有以

謙標

誅之會節愍太子起兵與聞其謀太子已誅三思引兵走闕下遇元忠子太僕少卿昇於永安門脅使從戰太子兵至玄武樓下多詐等猶豫不戰元忠又持兩端由是不克昇為亂兵所殺帝以其嘗有功且為高宗武后素所禮置不問宗楚客紀處訥大怒固請夷其族不聽元忠不自安上政事乃國封詔以特進齊國公致仕餘見通鑑唐書備闕孝和以帝氏專權與三思姦又欲加祚等誅三思及多祚保殺百官來朝反悲泣說太子枉殺三思賴帝后保護朕躬聞者莫不嗟笑

八月丙戌上帝后尊號紀以新魏元忠罷尋貶死以新紀九

月丁酉吏部侍郎蕭至忠為黃門侍郎兵部尚書宗楚客

左衛將軍紀處訥同三品紀以新舊庚子改元紀以新舊

解題曰宋庠紀年通譜受尊號即位涉三年始改元云

辛亥帝巨源紀處訥為侍中蘇瓌罷紀以新壬戌改羽林千

騎為萬騎紀以舊冬十月戊寅殺習藝館內教蘇安恒紀以新壬

午彗星出于西方紀以新十二月乙丑朔日有食之紀以新

唐中宗皇帝景龍二年春二月癸未有星隕於西南紀以新三

月丙辰朔方大總管張仁愿築三受降城於河上新紀

解題曰按新史地理志在豐州元和郡縣志東城本漢

雲中郡地在勝州榆林縣東北八里後屬振武節度中

城本漢五原郡有天德軍西城漢朔方郡地在豐州西

北八十里

李華張仁亶廟碑處河山其動靜納竹族歸之在席獲虜而望匹馬單兵不匿形跡虜由是械手足而割腹心朝年無草竊之虞天下減征役之半矣

秋七月癸巳朔張仁愿同三品以呂祖謙冬十一月庚申

西突厥突騎施酋娑葛犯塞殺使者癸未將軍牛師獎戰

于火燒城敗死安西陷以娑葛為可汗以呂祖謙

解題曰按新史突厥傳突騎施烏質勒西突厥別種賀

魯滅屯碎葉西北稍攻得碎葉居之謂碎葉川為大牙

弓月城伊麗水為小牙其地東隣北突厥西諸胡東直

西庭州神龍封懷德郡王其子娑葛襲封餘見通鑑

是歲皇后妃主昭容賣官行墨敕斜封以新紀脩

唐中宗皇帝景龍三年春二月己丑帝及右幸玄武門觀

宮女拔河為宮市以新紀脩壬寅帝巨源為左僕射同三品三

月戊午宗楚客為中書令蕭至忠為侍中太府卿常嗣立

守兵部尚書並同三品中書侍郎崔湜守兵部侍郎趙彥

昭為中書侍郎同平章事戊寅禮部尚書常溫為太子少

保同三品太常少卿鄭愔守吏部侍郎同平章事以新舊紀脩

夏五月出崔湜為襄州刺史鄭愔江州司馬以新舊紀脩

秋七月丙辰娑葛降以新舊紀脩八月乙酉李嶠同三品蕭至忠

為中書令特進常安石為侍中以新舊通鑑脩九月吏部尚書蘇

環為左僕射同三品以新舊紀脩冬十一月乙丑祀南郊皇后亞

獻以新舊甲戌豆盧欽望薨以新舊十二月壬辰唐休璟
為太子少師同三品紀以新脩

大事記續編卷第五十五

